

Broj: 01-02-1962/20

Sarajevo, 15.12.2020. godine

ZAPISNIK

16.REDOVNE SJEDNICE PREDSTAVNIČKOG DOMA PARLAMENTA FEDERACIJE BiH, održane 02. i 08.12.2020. godine

Online sjednica je počela u 10.00.

Sjednicom je predsjedavao predsjedavajući Mirsad Zaimović.

Predsjedavajući Zaimović pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Odsustvo sa sjednice opravdali su: Sanela Prašović-Gadžo i Ante Baković.

Prije početka rada, predsjedavajući je pozvao zastupnike da minutom šutnje i svako na svoj način oda počast preminulom zastupniku Mirsadu Peci.

Također, predsjedavajući je uputio čestitke novoizabranim načelnicima općina Osmanu Čatiću, Nerminu Muzuru i Borisu Marjanoviću.

Obavljena je prozivka zastupnika, kako bi se utvrdio kvorum na sjednici.

Klub zastupnika SBB predložio je zaključak. Sa 51 glasom za, 21 glasom protiv i uz dva uzdržana glasa, usvojen je sljedeći:

ZAKLJUČAK

Zadužuje se Vlada FBiH da u roku od 60 dana u parlamentarnu proceduru uputi Zakon o psihološkoj djelatnosti.

Kenela Zuko pokrenula je inicijativu. Sa 68 glasova, usvojena je sljedeća:

INICIJATIVA

kojom se traži od Vlade FBiH da hitno realizira Inicijativu od 03.10.2019. godine koja se tiče zaduženja Vlade FBiH i resornog ministarstva da u Budžetu za 2020. godinu planiraju sredstva u iznosu od 300.000,00 KM za sanaciju Zavoda za zbrinjavanje mentalno invalidne djece i omladine Pazarić. Tom inicijativom bilo je predviđeno da se planiraju sredstva za upošljavanje dva psihologa i dva pedagoga.

Zapisnik sa 13. redovne sjednice usvojen je bez primjedbi.

Zastupnička pitanja

Damir Mašić podsjetio je da je prošla godina dana kako je tražena tematska sjednica vezana za stanje u Kliničkom centru Univerziteta u Sarajevu.

Hajrudin Žilić pokrenuo je inicijativu kojom od Federalnog ministarstva zdravstva traži da se u listu lijekova, koji se finansiraju iz sredstava Fonda solidarnosti uvrsti lijek Hemlibra.

Adisa Kokić-Hinović pokrenula je inicijativu prema Vladi Federacije BiH, odnosno resornom ministarstvu, kojim traži da Ministarstvo donese sve podzakonske akte i druge propise

vezano za Zakon o liječenju neplodnosti biomedicinski potpomognutom oplodnjom a u cilju konačne implementacije Zakona.

Sljedeća Inicijativa, kojom traži da Vlada Federacije BiH hitno dostavi strateški dokument za mlade u Federaciji BiH, te izvještaje o mladima u Federaciji u prethodnoj godini, Predstavničkom domu Parlamenta FBiH, kao i uspostavi savjet za mlade a shodno Zakonu o mladima Federacije BiH.

Miomirka Melank obavijestila je Dom da je u toku kampanja vezana za aktivizam protiv rodno zasnovanog nasilja nad ženama, te obavještava o Projektu koji je ovaj Parlament proveo. Nada se da će zaključci ovog Projekta i preporuke koje su ustanovljene nakon istraživanja moći da se implementiraju u izmjene i dopune ovog Zakona ali i u procedure koje se tiču njegovog sprovođenja. Nada se da će inicijativa biti pokrenuta od strane jedne od komisija koje su učestvovala u ovom projektu. Navela je neke od preporuka postzakonodavnog nadzora i na koje institucije se odnose. Parlament Federacije BiH i nadležne komisije trebaju redovno tražiti podnošenje izvještaja od nadležnog Ministarstva pravde o provođenju zakona i predlagati mjere i inicijative za unapređenje zakona iz ove oblasti.

Albin Muslić kazao je da na više pitanja koja je postavio nije dobio odgovor, odnosno na neka je dobio neadekvatan odgovor. Pitanja su bila upućena Cestama Federacije BiH a tiču se rekonstrukcije i investicijskog održavanja, te investicija u cestovnoj infrastrukturi na području Unsko-sanskog kantona a u nadležnosti JP Ceste Federacije BiH. U vezi s tim, traži detaljno odgovore, u kojem stadiju je izgradnja puta Petog korpusa kao zaobilaznica urbanog dijela grada Bihaća; Kada će započeti izgradnja brze trake i izgradnja kružnog toka na lokalitetu Kamenice u Bihaću na magistralnom putu M-5; Kada će započeti izmještanje dijela magistralnog puta M-5 na lokalitetu Izačića. Traži pisane odgovore na ova pitanja, sa detaljnim obrazloženjem stepena u kojem se ovi projekti nalaze i eventualnih problema, te ko je odgovoran za nerealiziranje ovih projekata.

Mira Grgić pitanje je uputila ministrici finansija – da li je nakon Rebalansa Budžeta FBiH za 2020. godinu došlo do novih zapošljavanja, u kom obimu i iz kojih razloga, u Uredu potpredsjednika Federacije BiH i Gender centru Federacije BiH?

Zlatko Ercegović pokrenuo je inicijativu vezanu za stanje u javnom zdravstvenom sektoru u Federaciji. Pokreće inicijativu prema Vladi Federacije BiH, prema kantonalnim vladama i prema Federanom zavodu za zapošljavanje da se pod hitno omogući prijem zdravstvenih radnika svih profila u sve javne zdravstvene ustanove u Federaciji, prvenstveno one koje se bave liječenjem kovid pacijenata.

Pitanje je uputio Vladi FBiH, kojim traži da uputi u parlamentarnu proceduru Zakon o reprezentativnosti koji je prošao javnu raspravu.

Kazao je da je uputio prije više od godinu dana amandman na Krivični zakon, (odnosi se na napad na zdravstvene radnike u obavljanju dužnosti). Traži da se ovaj amandman razmatra.

Ivica Pavković kazao je da je Odbor za denacionalizaciju i privatizaciju dobio dopis od predsjednice Nadzornog odbora Agencije za privatizaciju FBiH, kojim su obaviješteni kako Agencija nije u mogućnosti obavljati poslove i zakonom date nadležnosti zbog blokade računa po osnovu pravosnažnog rješenja o izvršenju na osnovu Presude Vrhovnog suda Federacije BiH. Traži od Vlade FBiH odgovor, šta je Vlada do sada preduzela po ovom pitanju i koji su njeni naredni koraci koje će poduzeti da bi se osigurala deblokada računa a samim tim i normalan rad Agencije za privatizaciju FBiH.

Jasmina Zubić postavila je pitanje – da li će se u planu rada Vlade FBiH za 2021. godinu naći Zakon o zdravstvenom osiguranju?

Pokrenula je inicijativu prema Upravnom odboru Federalnog zavoda PIO Mostar za dopunu člana 3. Pravilnika o naknadi pogrebnih troškova u slučaju smrti korisnika penzije, na način da se doda stav koji glasi:” Ukoliko umrli korisnik penzije nema nasljednike, pravo na naknadu ostvaruje osoba koja je izmirila troškove pogreba.”

Referirala se na odgovor Instituta kojega je dobila na postavljeno pitanje, koje je postavljala proteklih godina, a tiče se neustavne i diskriminirajuće liste invaliditeta, te da se vrši diskriminacija prilikom ocjene invaliditeta neratnih u odnosu na ratne invalide. Komentirajući odgovor, predložila je da se odgovor pošalje Federalnom ministarstvu rada i socijalne politike sa namjerom da se pozabave rješavanjem ovih problema i da se ovaj odgovor uputi Instituciji Ombudsmena kako bi se i oni uključili u rješavanju ovog problema.

Kazala je i da je postavila pitanje na prošloj sjednici vezano za Zakon o izmjenama i dopunama Zakona o reviziji privatizacije koji je usvojen u Predstavničkom domu a u Domu naroda nije.

Mara Đukić pokrenula je inicijativu, da se kroz Zakon o zdravstvom osiguranju FBiH uvede 100% priznavanje bolovanja zdravstvenom radnicima oboljelim od COVID-19 kao i od drugih zaraznih visokoinfektivnih bolesti, od kojih obole liječeći oboljele, a koje su registrovane u našoj zemlji.

Druga inicijativa je vezana za vakcinaciju protiv HPV virusa. Traži od Vlade FBiH, Federalnog ministarstva zdravstva i Zavoda zdravstvenog osiguranja da izvrše potrebne analize i procjenu mogućnosti vakcinisanja djece ranog pubertetskog uzrasta protiv HPV-a. Traži da se u BiH registruju vakcine protiv HPV kako bi se bilo moguće vakcinisati.

Dževad Adžem pokrenuo je inicijativu, kojom Predstavnički dom Parlamenta Federacije BiH obavezuje resornog ministra zdravstva i Vladu FBiH da uspostavi koordinaciono tijelo koje će sa vladama kantona iznaći rješenje, kojim se kada je u pitanju nabavka lijekova i opreme u Federaciji BiH, lijekovi i medicinska oprema nabavljati centralizirano shodno potrebama koje iskazu kantonala ministarstva i fondovi zdravstva, a da se uštede koje će se ostvariti ovakvog tipa nabavke lijekova rasporede u fondove zdravstva kantona, shodno uštedama koje im proporcionalano pripadaju.

Drugo pitanje, kojim od Federalnog ministarstva zdravstva i Vlade FBiH traži da dostavi statističke podatke mortaliteta u Federaciji BiH, upoređujući period od januara do decembra u godinama 2019. i 2020. godina, kako bi se sagledao procenat povećanja mortaliteta uzrokovanog koronavirusom.

Husein Rošić pitanje je uputio Vladi FBiH - da li je Vlada FBiH dostavila izvještaj o utrošku četiri miliona KM koje je Predstavnički dom Parlamenta FBiH i kroz svoj zaključak obavezao da dostavi USK, u cilju prevazilaženja krize uzrokovane migrantskom krizom.

Alma Kratina pokrenula je inicijativu prema Vladi FBiH da hitno uputi u parlamentarnu proceduru Zakon o uvezivanju radnog staža, uz uvažavanje činjenice da je do donošenja implementacije Zakona neophodno planirati stavku za uvrštavanje staža u Budžetu kako je to do sada činjeno.

Druga inicijativa upućena je Federalnom ministarstvu za rad i socijalnu politiku, a odnosi se na izradu novog Zakona o zaštiti od nasilja u porodici.

Sanela Klarić uputila je urgenciju vezano za pitanje koje je postavila Federalnom ministarstvu poljoprivrede, vodoprivrede i šumarstva, a vezano je za Goražde i gradnju obaloutvrda. Između ostalog kazala je da je federalna inspekcija izašla na teren da proglase odobrenje za građenje obaloutvrde u Goraždu ništavnim. Međutim, radovi su nastavljeni a građani su nezadovoljni. Pita – da li Vlada FBiH radi svoj posao, jer jedno ministarstvo proglašava ništavnim rješenje, a drugo ministarstvo nastavlja sa radom. Postavlja pitanje – da li je Ministarstvo obećalo kompaniji koja je nastavila da radi zajedno sa Svjetskom bankom novac da će mu biti isplaćen, bez obzira što su trebali zaustaviti svoje radove. Postavljala je pitanje federalnom ministarstvu kakav je plan, i kako će djelovati sada kada je proglašeno ništavnim ovo odobrenje za građenje. Nije dobila odgovor. Traži da se uputi urgencija ministarstvu za hitan odgovor, ali i Svjetskoj banci i Vladi FBiH. Zamolila je da ovo Parlament podrži da se hitno riješi zbog građana Goražda koji čekaju odgovor.

Eldar Čomor komentirao je odgovor na pitanja koja je uputio Federalnom ministarstvu pravde.

Pokreće inicijativu prema Vladi FBiH i Federalnom ministarstvu zdravstva da poduzmu potrebne korake koji su u njihovoj nadležnosti kako bi sve trudnice u Federaciji BiH ostvarile isto pravo i mogućnost korištenja lijeka Clexasane kojega koriste trudnice kojima je dijagnosticirana trombofilija. Traži da se ovaj lijek riješi jedinstveno za cijeli prostor, na način da sve trudnice imaju jednak tretman i isto pravo.

Pokreće i inicijativu prema Kolegiju Predstavničkog doma, kojom traži da se uradi baza podataka pitanja i inicijativa, kao i odgovora na njih.

Elzina Pirić dva pitanja uputila je Vladi FBiH i Federalnom ministarstvu energije, rudarstva i industrije, a vezano za intervju ministra koji je kazao da postoje određeni problemi oko implementacije Projekta Blok 7 u Tuzli i da su pojedini ugovarači strateškog partnera Elektroprivrede BiH odustali od Bloka 7, a što dovodi u pitanje implementaciju istog, pa pita – šta znači za investiciju i novac koji je već za to potrošen, zašto se šutilo o tome, od kada su tačno Vlada i Ministarstvo informisani o odustajanju istog i zašto o tome nije obavješten Parlament ili barem Komisija za energetiku rudarstvo i industriju. Kazala je da je Parlament u prošlom sazivu donio Zaključak kojom se zadužuje Vlada FBiH, Federalno ministarstvo energetike i rudarstva, Federalno ministarstvo finansija i Rudnik Banovići da okončaju finansijsku rekonstrukciju oko izgradnje Termo bloka 1 u Banovićima, pa pita – šta je po ovom pitanju urađeno, odnosno dokle se došlo po ovom Zaključku.

Adis Arapović pitanje je postavio Federalnom ministarstvu pravde – s obzirom da je Reforma javne uprave u svim dokumentima koji definiraju preduslove za dalji proces eurounijskih integracija označen kao jedan od prioriteta – dokle se došlo sa pripremom novog zakonskog okvira za reformu državne službe u Federaciji BiH, koji organ je nadležan i odgovoran za taj proces, da li su osigurane sve materijalne i kadrovske pretpostavke za uspješno provođenje ove faze reforme, odnosno predlaganje, izrada i implementacija novog Zakona o državnim službenicima u Federaciji BiH?

Pokrenuo je inicijativu kojom se zadužuje Vlada FBiH da u roku od 60 dana u parlamentarnu proceduru uputi Zakon o informacionoj sigurnosti, te dao obrazloženje. Traži do Vlade da konačno utvrdi Nacrt predmetnog Zakona te isti uputi u parlamentarnu proceduru najkasnije do 31.01.2021. godine.

Adnan Efendić pokrenuo je inicijativu prema Federalnom ministarstvu prostornog uređenja a odnosi se na planiranje sredstava i pristupanje aktivnostima na izradi izmjena i dopuna Regucionog plana historijskog gradskog područja Mostar.

Nihad Čolpa pokrenuo je inicijativu, kojom traži da Dom glasa za zaključak da Parlament Federacije BiH neće odlučivati o prijedlozima Vlade FBiH koji se odnose na dodatna zaduživanja, dok se ne formira novi saziv Vlade FBiH u skladu sa rezultataima izbora 2018. godine.

Hamdija Abdić postavio je pitanje vezano da Zakon o penzijskom i invalidskom osiguranju koji vrši diskriminaciju vezano za isplatni penzioni koeficijent između pripadnika OSBiH.

Nedžad Šečić prvo pitanje uputio predsjedavajućem Predstavničkog doma, predsjedniku Zakonodavno-pravne komisije, predsjedniku Komisije za lokalnu samoupravu – kada će na dnevnom redu biti Inicijativa za donošenje Zakona o Gradu Lukavac?

Drugo pitanje – kada će na dnevnom redu biti izbor potpredsjedavajućeg iz reda srpskog naroda.

U raspravi o izmjenama i dopunama dnevnog reda učestvovali su: Alma Kratina, Elzina Pirić, Hajrudin Žilić, Ivica Pavković, Ahmed Džubur, Adis Arapović, Hasan Muratović, Sabina Čudić i Mladen Bošković.

Prijedlog Ahmeda Džubura da se Prijedlog Zakona o izmjenama i dopunama Zakona o poljoprivrednim savjetodavnim službama skine sa dnevnog reda nije usvojen (37 za, tri protiv i 20 uzdržanih glasova).

Prijedlog Parlamentarne komisije odgovorne za reviziju da se u dnevni red uvrsti tačka – Izjašnjavanje o zaključcima Parlamentarne komisije odgovorne za reviziju usvojen je sa 53 glasa.

Prijedlog Kluba zastupnika SDP da se Prijedlog Zakona o izmjenama i dopunama Zakona o ublažavanju negativnih ekonomskih posljedica izazvanih pandemijom koronavirusa razmatra po hitnom postupku, nakon dodatne prozivke predsjedavajućeg nije usvojen (39 glasova za, 10 glasova protiv i 33 uzdržana glasa), te će se ovaj Zakon tretirati u formi nacрта.

Sa 66 glasova za, bez glasova protiv i uz dva uzdržana glasa, usvojen je sljedeći:

D N E V N I R E D

1. Prijedlog Zakona o izmjeni Zakona o doprinosima – skraćeni postupak,
2. Prijedlog Zakona o izmjenama i dopunama Zakona o poljoprivrednim savjetodavnim službama,
3. Nacrt Zakona o izmjenama i dopunama Zakona o principima lokalne samouprave u Federaciji BiH,
4. Nacrt Zakona o poduzetničkoj infrastrukturi u Federaciji BiH,
5. Nacrt Zakona o plinovodu “Južna interkonekcija Bosna i Hercegovina i Republika Hrvatska”,
6. Nacrt Zakona o izmjenama i dopunama Zakona o ublažavanju negativnih ekonomskih posljedica izazvanih pandemijom koronavirusa, predlagač Klub zastupnika SDP BiH,
7. Izvještaj o poslovanju Agencije za bankarstvo Federacije BiH za 2019. godinu, uključujući Izvještaj o radu Ombudsmena za bankarski sistem Federacije BiH za 2019. godinu, Informacija o subjektima bankarskog sistema Federacije BiH sa stanjem 31.12.2019. godine,
8. a) Izvještaj o radu Federalnog ministarstva unutrašnjih poslova za period 01.-01.-30.06.2020.,
b) Informacija o stanju kriminaliteta – sigurnosti na području Federacije BiH za period januar – juni 2020. godine,
9. Informacija Federalnog ministarstva unutrašnjih poslova u vezi realizacije Zaključka Predstavničkog doma Parlamenta FBiH broj 01-02-292/20, 01-04-1511/19 od 29.06.2020.godine,
10. Informacija o stepenu realizacije zaduženja Federalnog ministarstva rada i socijalne politike po zaključcima Predstavničkog doma Parlamenta Federacije BiH od 04.12.2019. godine,
11. Informacija Vlade FBiH vezano za posljedice djelovanja epidemije koronavirusa COVID-19 na privredu sa aspekta primjene Zakona o ublažavanju negativnih ekonomskih posljedica pojedinih grana privrede stanja zaposlenih te stanja u zdravstvu Federacije BiH,
12. Strategija upravljanja dugom 2019.-2021. godina,
13. Informacija o izvršenim revizijama privatizacije državnog kapitala privrednih društava i banaka u Federaciji BiH za period juli – decembar 2019. godine,
14. Informacija o izvršenim revizijama privatizacije državnog kapitala privrednih društava i banaka u Federaciji BiH za period januar-juni 2020. godine,
15. Izjašnjavanje o zaključcima Parlamentarne komisije odgovorne za reviziju,
16. Izbori i imenovanja.

1. Prijedlog Zakona o izmjeni Zakona o doprinosima – skraćeni postupak,

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Prije otvaranja pretresa, predsjedavajući je, na osnovu člana 172. stav 3. Poslovnika kazao da se ne radi o složenom i obimnom Prijedlogu Zakona, te pozvao zastupnike da se izjasne da li će se razmatrati po skraćenom postupku, a što je sa 64 glasa za, jednim glasom protiv i uz četiri uzdržana glasa usvojeno.

U raspravi niko nije učestvovao.

Sa 64 glasa za, bez glasova protiv i uz dva uzdržana glasa, usvojen je Prijedlog Zakona o izmjeni Zakona o doprinosima.

2. Prijedlog Zakona o izmjenama i dopunama Zakona o poljoprivrednim savjetodavnim službama

Prijedlog Zakona utvrdila je Vlada FBiH.

Prijedlog Zakona razmatrala su nadležna radna tijela i dostavila izvještaje.

Ispred Federalnog ministarstva poljoprivrede dodatno obrazloženje dala je Irena Jerčić.

Premijer Novalić zamolio je, u ime ministra, da se ovaj Prijedlog Zakona povuče, budući da ministar nije iz zdravstvenih razloga prisutan na sjednici.

Kratko su diskutovali: Ahmed Džubur i Sanela Klarić.

Premijer Novalić povukao je Prijedlog Zakona o izmjenama i dopunama Zakona o poljoprivrednim savjetodavnim službama.

3. Nacrt Zakona o izmjenama i dopunama Zakona o principima lokalne samouprave u Federaciji BiH,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH obrazlagao je Enver Išerić.

U raspravi su učestvovali: Hajrudin Žilić, Husein Rošić, Asim Kamber, Mira Grgić, Alma Kratina, Salmir Kaplan i Eldar Čomor.

Sa 58 glasova za, usvojen je sljedeći

ZAKLJUČAK

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o principima lokalne samouprave u Federaciji BiH, te smatra da može poslužiti kao osnova za izradu prijedloga Zakona.

Zadužuje se predlagač da organizira javnu raspravu o nacrtu ovog Zakona u roku od 30 dana.

Zadužuje se predlagač da prilikom izrade prijedloga Zakona uzme u obzir sve prijedloge, primjedbe i sugestije iznijete u raspravi kao i one koje su dostavljene ili će biti dostavljene u pisanom obliku.

4. Nacrt Zakona o poduzetničkoj infrastrukturi u Federaciji BiH,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Ispred Vlade FBiH dodatno obrazloženje dao je ministar Zukić.

U raspravi su učestvovali: Hajrudin Žilić, Nijaz Helez, Mujo Hasić, Irfan Čengić, Eldar Čomor, Dževad Adžem i Adnan Efendić.

Sa 73 glasa za, jednim glasom protiv i uz jedan uzdržani glas, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o poduzetničkoj infrastrukturi u Federaciji BiH, te smatra da može poslužiti kao osnova za izradu prijedloga Zakona.

Zadužuje se predlagač da organizira javnu raspravu o nacrtu ovog Zakona u roku od 30 dana.

Zadužuje se predlagač da prilikom izrade prijedloga Zakona uzme u obzir sve prijedloge, primjedbe i sugestije iznijete u raspravi kao i one koje su dostavljene ili će biti dostavljene u pisanom obliku.

Klub zastupnika DF predložio je zaključak.

Sa 57 glasova za, četiri glasa protiv i uz 16 uzdržanih glasova, usvojen je sljedeći:

ZAKLJUČAK

Predstavnički dom Parlamenta FBiH zahtjeva od Vlade FBiH da u parlamentarnu proceduru, već za narednu sjednicu ovog Doma, uputi Nacrt Zakona o javno – privatnom partnerstvu, u tekstu koji je sačinila i Vladi FBiH dostavila, grupa zastupnika Predstavničkog doma Parlamenta FBiH, a uz podršku NDI-a i stručnjaka iz oblasti javno – privatnog partnerstva.

5. Nacrt Zakona o plinovodu “Južna interkonekcija Bosna i Hercegovina i Republika Hrvatska”,

Nacrt Zakona utvrdila je Vlada FBiH.

Nacrt Zakona razmatrala su nadležna radna tijela i dostavila izvještaje.

Sanela Klarić u ime Kluba zastupnika Naša stranka tržila je da uđe u Zapisnik stav vezan za ovaj Zakon. Podsjetila je da je ministrica vanjskih poslova BiH potpisala Agendu za Zapadni Balkan vezano za Zeleni ugovor, koji prema planu do 2050. godine planira izbaciti korštenje uglja, nafte i plina. Kazala je između ostalog da je razgovarala i sa USAID-om na ovu temu i rekli su da je u izradu Nacrta uključena i Evropska delegacija u BiH. Pita Vladu FBiH, a imajući u vidu da sve investicije u Federaciji kasne, te ukoliko se bude kasnilo, da li će se izgraditi taj plinovod koji je toliko bitan, da nam se isplati do 2050. godine. Ukoliko budemo kasnili, uložićemo u nešto što je neisplativo. S druge strane postavlja pitanje transparentnosti, ukoliko se zna za probleme transparentnosti investiranja u energiju između ostalog i u termoelektrane ili vjetroelektrane. Interesuje je i to što Zakon o plinu nikada nije donesen ni na državnom ni entitetskom nivou, a trebao bi biti prateći u ovoj investiciji. Ako se nema Zakon, kolika je garancija da će se sa ovom investicijom doći do efektivnog provođenja i implementacije ove investicije. Na kraju je kazala da su svi zakoni vezani za energetska efikasnost, bitni da bismo došli do strategije i načina da ispunimo obaveze Zelenog ugovora. Klub će podržati ovaj Nacrt i ova pitanja i dalje postavljati, te i Vlada treba da razmisli o ovome. Tražila je da ovo uđe u Zapisnik današnje sjednice.

U raspravi su učestvovali: Safer Demirović, Albin Muslić, Irfan Čengić ispred Federalnog ministarstva energije, rudarstva i industrije Darko Praljić, ispred BH Gasa Jasmin Salkić.

Sa 65 glasova za, bez glasova protiv i uz jedan uzdržani glas, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o plinovodu "Južna interkonekcija Bosna i Hercegovina i Republika Hrvatska", te smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve prijedloge, primjedbe i sugestije iznijete u raspravi kao i one koje su dostavljene ili će biti dostavljene u pisanom obliku.

6. Nacrt Zakona o izmjenama i dopunama Zakona o ublažavanju negativnih ekonomskih posljedica izazvanih pandemijom koronavirusa, predlagač Klub zastupnika SDPBiH,

Nacrt Zakona utvrdio je Klub zastupnika SDP.

Nacrt Zakona razmatrala su nadležna radna tijela i dostavila izvještaje.

Ispred Kluba dodatno obrazloženje dao je Damir Mašić.

Klub zastupnika SDP podnio je pet amandmana koji postaju sastavni dio Nacrta. Klub zastupnika DF podnio je pet amandmana.

Ispred Odbora za ekonomsku i finansijsku politiku obrazlagao je Husein Rošić.

U raspravi su učestvovali: Tahir Nuhić, Miomirka Melank, Hajrudin Žilić, Husein Rošić, Jasmina Zubić, Mira Grgić, Samer Rešidat, Husein Rošić, Albin Muslić, Irfan Čengić i Damir Mašić.

Sa 39 glasova za, jednim glasom protiv i uz 30 uzdržanih glasova, usvojen je sljedeći:

ZAKLJUČAK

Predstavnički dom Parlamenta Federacije BiH prihvata Nacrt Zakona o izmjenama i dopunama Zakona o ublažavanju negativnih ekonomskih posljedica izazvanih pandemijom koronavirusa, te smatra da može poslužiti kao osnova za izradu prijedloga Zakona.

Zadužuje se predlagač da prilikom izrade prijedloga Zakona uzme u obzir sve prijedloge, primjedbe i sugestije iznijete u raspravi kao i one koje su dostavljene ili će biti dostavljene u pisanom obliku.

Klub zastupnika DF predložio je zaključak.

Na osnovu dodatne prozivke predsjedavajućeg, sa 50 glasova za, tri glasa protiv i uz 34 uzdržana glasa, usvojen je sljedeći:

ZAKLJUČAK

Predstavnički dom Parlamenta FBiH zadužuje Vladu FBiH da kroz dijalog sa socijalnim partnerima (Udruženje poslodavaca, Sindikat, ESV) najkasnije do 15.02.2021. godine

uputi u parlamentarnu proceduru, po hitnom postupku novi Zakon o ublažavanju negativnih ekonomskih posljedica za vrijeme trajanja recesije. Ovim Zakonom definisati ekonomske mjere podrške privrednim subjektima, uposlenicima i stanovništvu, a koje će biti u primjeni do izlaska BH privrede iz recesije.

11. Informacija Vlade FBiH vezano za posljedice djelovanja epidemije koronavirusa COVID -19 na privredu sa aspekta primjene Zakona o ublažavanju negativnih ekonomskih posljedica pojedinih grana privrede stanja zaposlenih te stanja u zdravstvu Federacije BiH

Informaciju je dostavila Vlada FBiH.

Informaciju su razmatrala nadležna radna tijela i dostavila izvještaje.

Ispred Vlade dodatno obrazloženje su dali Snježana Bodnaruk i premijer Fadil Novalić.

U raspravi su učestvovali: Sabina Ćudić, Mara Đukić, Zlatko Ercegović, Alma Kratina, Dževad Adžem, Jasmina Zubić, Mira Grgić, Samer Rešidat, Miomirka Melank, Goran Čerkez, te Snježana Bodnaruk.

Predstavnički dom primio je k zanju Informaciju Vlade FBiH vezano za posljedice djelovanja epidemije koronavirusa COVID -19 na privredu sa aspekta primjene Zakona o ublažavanju negativnih ekonomskih posljedica pojedinih grana privrede stanja zaposlenih te stanja u zdravstvu Federacije BiH

7. Izvještaj o poslovanju Agencije za bankarstvo Federacije BiH za 2019. godinu, uključujući Izvještaj o radu Ombudsmena za bankarski sistem Federacije BiH za 2019. godinu, Informacija o subjektima bankarskog sistema Federacije BiH sa stanjem 31.12.2019. godine

Izvještaj je dostavila Agencija za bankarstvo.

Izvještaj su razmatrala nadležna radna tijela i dostavila izvještaje.

Ispred Agencije dodatno obrazloženje dao je Jasmin Mauhmuzić.

Ispred Ombudsmena za bankarski sistem obrazlagala je Lejla Smajović.

Ispred Odbora za ekonomsku i finansijsku politiku obrazlagao je Husein Rošić.

Nakon glasanja zastupnika nije usvojen Izvještaj o poslovanju Agencije za bankarstvo Federacije BiH za 2019. godinu, uključujući Izvještaj o radu Ombudsmena za bankarski sistem Federacije BiH za 2019. godinu, Informacija o subjektima bankarskog sistema Federacije BiH sa stanjem 31.12.2019. godine (44 glasa za, dva glasa protiv i 31 uzdržani glas).

Dopredsjedavajući Bošković prekinuo je rad sjednice u 18.20.

* * *

NASTAVAK 16. REDOVNE SJEDNICE PREDSTAVNIČKOG DOMA PARALMENTA FEDERACIJE BIH, održane 08.12.2020. godine

Online sjednica je počela u 10.00.

Sjednicom je predsjedavao potpredsjedavajući Mladen Bošković.

Potpredsjedavajući Bošković pozdravio je zastupnice i zastupnike, goste kao i predstavnike akreditiranih medijskih kuća koji prate rad sjednice.

Prema evidenciji Stručne službe, potpredsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Odsustvo sa sjednice opravdao je: Josip Martić.

Izvršena je prozivka prisutnih zastupnika, kako bi se utvrdio kvorum na sjednici.

Na rad se prešlo po tački 8. dnevnog reda.

**8. a) Izvještaj o radu Federalnog ministarstva unurašnjih poslova za period 01.-01.-30.06.2020.,
b) Informacija o stanju kriminaliteta – sigurnosti na području Federacije BiH za period januar – juni 2020. godine,**

Ispred Vlade FBiH dodatno obrazloženje dao je ministar Aljoša Čampara.

U raspravi su učestvovali: Sabina Čudić, Husein Rošić, Irfan Čengić, Dževad Adžem, Asim Kamber i ministar Čampara.

Predstavnički dom nije prihvatio Izvještaj o radu Federalnog ministarstva unurašnjih poslova za period 01.-01.-30.06.2020., (27 glasova za, 14 glasova protiv i 38 uzdržanih glasova)

Predstavnički dom primio je k znanju Informaciju o stanju kriminaliteta – sigurnosti na području Federacije BiH za period januar – juni 2020. godine.

9. Informacija Federalnog ministarstva unutrašnjih poslova u vezi realizacije Zaključka Predstavničkog doma Parlamenta FBiH, broj 01-02-292/20, 01-04-1511/19 od 29.06.2020.godine,

Ispred Vlade FBiH dodatno obrazloženje dao je ministar Aljoša Čampara.

U raspravi je učestvovao Hajrudin Žilić.

Adnan Efendić ispred Kluba tražio je pauzu 10 minuta.

Nakon pauze, zastupnik Efendić kazao je da je tražio pauzu kako bi se izvršile konsultacije u vezi predloženih zaključaka.

Hajrudin Žilić predložio je zaključak u vezi ove tačke dnevnog reda, a koji na osnovu pojedinačnog izjašnjavanja nije usvojen (40 glasova za, 10 glasova protiv i uz 28 uzdržanih glasova).

Hajrudin Žilić predložio je još jedan zaključak, o kojem su se zastupnici izjašnjavali.

Na osnovu pojedinačnog izjašnjavanja, sa 62 glasa za, 12 glasova protiv i uz četiri uzdržana glasa usvojen je sljedeći:

ZAKLJUČAK

Obzirom da se prava iz radnog odnosa u dijelu plaća i naknada policijskih službenika, odnosno direktora FUP-a, vežu uz lični čin, Predstavnički dom Parlamenta FBiH zahtijeva od Vlade FBiH i FMUP-a da hitno pristupi izmjenama pravne legislative koja će omogućiti unapređenje v.d. direktora FUP-a u čin Glavnog generalnog inspektora policije i istovremeno donese Odluku o isplati razlike u mjesečnim primanjima za kompletan period obavljanja poslova za koje je predviđen i propisan čin Glavni generalni inspektor policije.

Predstavnički dom primio je k znanju Informaciju Federalnog ministarstva unutrašnjih poslova u vezi realizacije Zaključka Predstavničkog doma Parlamenta FBiH broj 01-02-292/20, 01-04-1511/19 od 29.06.2020.godine.

10. Informacija o stepenu realizacije zaduženja Federalnog ministarstva rada i socijalne politike po zaključcima Predstavničkog doma Parlamenta Federacije BiH od 04.12.2019. godine,

Informaciju je dostavio ministar Drljača.

Informaciju su razmatrala nadležna radna tijela i dostavila izvještaje.

Ministar Drljača dao je dodatno obrazloženje.

U raspravi su učestvovali: Sabina Ćudić, Alma Kratina, Jasmina Zubić, Irfan Čengić, Mira Grgić, Meliha Bijedić, Adisa Kokić-Hinović, Mara Đukić, Samer Rešidat, Ismet Osmanović i ministar Drljača.

Sabina Ćudić predložila je zaključke. Sa 57 glasova za, jednim glasom protiv i uz 12 uzdržanih glasova, usvojeni su sljedeći:

ZAKLJUČCI

1. Da se uputi zahtjev Tužilaštvu Kantona Sarajevo za pristup informacijama o stepenu realizacije istrage i planiranim rokovima za eventualno podizanje optužnica;
2. Da četiri nadležna ministarstva Predstavničkom domu dostave izvještaj o stručnim kapacitetima ustanova socijalne zaštite čiji je osnivač FBiH;
3. Da četiri nadležna ministarstva hitno dostave izvještaj o sprovođenju Strategije deinstitucionalizacije i transformacije ustanova socijalne zaštite;
4. Da Ministarstvo rada i socijalne politike hitno dostavi izvještaj o sprovedenim konkursnim procedurama u Zavodu za zbrinjavanje mentalno invalidne djece i omladine Pazarić u 2020. godini;
5. Da se hitno dostavi informacija o stanju tokom pandemije te načinima zaštite štíćenika i štíćenica u ustanovama socijalne zaštite čiji je osnivač FBiH;
6. Pristupi prioritetnom upućivanju u parlamentarnu proceduru zakona definisanih zaključcima ovog doma;
7. Da se u cilju zaštite uposlenika i uposlenica javnih ustanova FBiH, koji su izloženi diskriminaciji i mobingu zbog prijavljivanja nezakonitih radnji, a u skladu sa Programom rada Predstavničkog doma Parlamenta FBiH za 2020. godinu, na narednu sjednicu uvrsti Nacrt zakona o zaštiti uzbunjivača.
8. Obavezuju se nadležna ministarstva odnosno Vlada FBiH da navedene informacije i izvještaje dostave Predstavničkom domu Parlamenta FBiH do 01.02.2021. godine.

Klub zastupnika DF predložio je zaključak koji pojedinačnim izjašnjavanjem nije usvojen (42 glasa za, 14 glasova protiv i 20 uzdržanih glasova)

Jasmina Zubić predložila je zaključak. Na osnovu pojedinačnog izjašnjavanja, sa 63 glasa za, jednim glasom protiv i uz 11 uzdržanih glasova, usvojen je sljedeći:

ZAKLJUČAK

Obavezuje se Vlada FBiH da svakih šest mjeseci razmotri preporuke i pitanja iz domena ljudskih prava, a koje se odnose na nadležnost organa Federacije i da institucija Ombudsmena u okviru Godišnjeg izvještaja informiše Parlament i o ovim aktivnostima.

Klub zastupnika SDA predložio je zaključak. Sa 54 glasa za, usvojen je sljedeći:

ZAKLJUČAK

Da do naredne sjednice Predstavničkog doma Parlamenta FBiH, Federalno ministarstvo za rad i socijalnu politiku u saradnji sa tri zadužena ministarstva, sačine i dostave detaljnu, sveobuhvatnu i ažurnu informaciju o realizaciji zaključaka Predstavničkog doma Parlamenta FBiH, sa tematske sjednice iz decembra 2019.godine.

Informacija mora sadržavati sve podatke tražene zaključkom sa konkretnim izvještajem o sprovedenim aktivnostima, nosiocima aktivnosti i rokovima za kompletnu realizaciju!

12.Strategija upravljanja dugom 2019.-2021. godina

Strategiju je dostavila Vlada FBiH.

Strategiju su razmatrala nadležna radna tijela i dostavila izvještaje.

Ispred Vlade FBiH dodatno obrazloženo dao je Besim Pašalić.

Ispred Odbora za ekonomsku i finansijsku politiku obrazlagao je Husein Rošić.

U raspravi su učestvovali: Irfan Čengić, Dževad Adžem i Husein Rošić.

Predstavnički dom primio je k znanju Strategiju upravljanja dugom 2019.-2021. godina.

13. Informacija o izvršenim revizijama privatizacije državnog kapitala privrednih društava i banaka u Federaciji BiH za period juli – decembar 2019.. godine,

Informaciju je dostavila Vlada FBiH.

Direktor Agencije Vedad Duraković dao je dodatno obrazloženje.

U raspravi niko nije učestvovao.

Predstavnički dom primio je k znanju Informaciju o izvršenim revizijama privatizacije državnog kapitala privrednih društava i banaka u Federaciji BiH za period juli – decembar 2019. godine.

14. Informacija o izvršenim revizijama privatizacije državnog kapitala privrednih društava i banaka u Federaciji BiH za period januar-juni 2020. godine,

Informaciju je dostavila Vlada FBiH.

Direktor Agencije Vedad Duraković dao je dodatno obrazloženje.

U raspravi je učestvovala Jasmina Zubić.

Predstavnički dom primio je k znanju Informaciju o izvršenim revizijama privatizacije državnog kapitala privrednih društava i banaka u Federaciji BiH za period januar – juni 2020. godine.

15. Izjašnjavanje o zaključcima Parlamentarne komisije odgovorne za reviziju

Ova tačka dnevnog reda uvrštena je na prijedlog Parlamentarne komisije odgovorne za reviziju.

Komisija je donijela zaključke.

Ivica Pavković ipsisred Komisije dao je dodatno obrazloženje.

U raspravi je učestvovala Alma Kratina.

Sa 58 glasova za, dva glasa protiv i uz tri uzdržana glasa, usvojeni su sljedeći:

ZAKLJUČCI

- a) Nalaže se Finsnijsko-informatičkoj agenciji da odmah i bezuslovno omogući Uredu za reviziju institucija u Federaciji BiH pristup neophodnim dokumentima za obavljanje njihove osnovne revizorske funkcije, a posebno da odmah i bezuslovno Uredu za reviziju institucija u Federaciji BiH omogući pristup Registru finansijskih izvještaja pravnih lica u FBiH.
- b) Nalaže se Finansijsko-informatičkoj agenciji da o realizaciji ovog Zaključka Parlamentarnu komisiju odgovornu za reviziju izvijesti najdalje 8 dana od donošenja istog.
- c) Zadužuje se Vlada FBiH da poduzme adekvatne sankcije prema svima koji krše Zakon o reviziji institucija u Federaciji BiH i koji svojim postupanjem derogiraju Ured za reviziju institucija u FBiH, Parlamentarnu komisiju odgovornu za reviziju i Parlament Federacije BiH, a posebno prema rukovodiocima slijedećih subjekata: Finansijsko-informatička agencija Federacije BiH, Pretis d.d. Sarajevo, Operatora za obnovljive izvore energije i efikasnu kogeneraciju Federacije BiH, te da o poduzetim mjerama i sankcijama izvijesti Parlamentarnu komisiju odgovornu za reviziju i Parlament Federacije BiH u roku od 15 dana od dana donošenja ovog Zaključka.

16. Izbori i imenovanja

Komisija za izbor i imenovanja, na svojoj Osmoj sjednici, razmatrala je Prijedlog odluke o izboru predsjednika zamjenika predsjednika i članova radnih tijela Predstavničkog doma Parlamenta FBiH.

U raspravi su učestvovali: Mirsad Čamdžić, Amer Obradović, Adnan Efendić i Asim Kamber.

Prijedlog o izboru predsjednika, zamjenika predsjednika i članova radnih tijela, na osnovu pojedinačnog izjašnjavanja nije usvojen (41 glas za, osam glasova protiv i 25 uzdržanih glasova).

Potpredsjedavajući Mladen Bošković zaključio je rad 16. redovne sjednice u 15.03.

Transkript i prijepis transkripta sjednice čine sastavni dio Zapisnika

SEKRETAR
PREDSTAVNIČKOG DOMA
PARLAMENTA FEDERACIJE BIH

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Ivan Miličević

Mirsad Zaimović